



CONCELLO DE REDONDELA

Maria José Barciela Barros (1 para 1)
Concelloira Parques, xardins, obras e servizos
Data de Sintetización: 06/02/2017
HASH: 149523de706c637e95622747b155845

2/16

ACTA DA XUNTANZA DO CONSELLO PARROQUIAL DE QUINTELA 19 DE OUTUBRO DE 2016

ORDE DO DÍA

1. Aprobación, se procede, da acta anterior.
2. Dar conta dos orzamentos participativos ano 2016
3. Rogos e preguntas

ASISTENTES

Presidenta: M^a José Barciela Barros

En representación dos grupos municipais:

- José Luis Villaverde Campos
- Eduardo Reguera Ocampo
- Xoan Carlos González Campo

Como representantes das asociacións de veciños:

- Eloy Quiñones Guisande
- Claudino Rodríguez Gómez

Como representantes da Comunidade de Montes:

- M^a José Fabre Fervenza
- Generosa Leirós Barreiro

Como representantes da comunidade de augas:

- Bernardo Casas Montero

En representación da ANPA escolar:

- Estela Mosquera Alonso

Tamén asiste M^a Carmen Pena Tome, suplente das representantes da Comunidade de Montes.

Eduardo Reguera Ocampo substitúe a Isaac Borja Araújo Figueroa como representante do grupo político PsdeG-PSOE.

Estela Mosquera Alonso acredítase como representante da ANPA, áinda que non consta comunicación escrita do cese dos anteriores representantes Oscar Rodríguez Otero e Ángel Lorenzo.





CONCELLO DE REDONDELA

Non asisten nin excusan a súa ausencia Jorge Varela Couñago, en representación de AER nin Francisco Javier Sánchez Martínez, representante da comunidade de augas..

Secretaria: Manuela Docampo Pintos

No CEIP de Quintela, a dezanove de outubro de dous mil dezaseis, previa convocatoria reuníronse os/as membros do Consello Parroquial de Quintela baixo a presidencia da Sra. Barciela Barros, por delegación do Sr. alcalde e asistidos de min, a secretaria do consello, coa finalidade de celebrar a xuntanza ordinaria convocada para o día de hoxe.

Pola presidencia, declarouse aberta a sesión sendo as vinte horas e dez minutos, pasándose a tratar a orde do día.

1.- Aprobación, se procede, da acta anterior.

A presidenta dá conta da acta da xuntanza ordinaria deste consello parroquial do 16 de marzo de 2016 e sometida a votación, apróbase a mesma pola mayoría dos membros asistentes, coa abstención do Sr. Reguera Ocampo por non ter asistido a dita xuntanza.

2.- Dar conta dos orzamentos participativos ano 2016

A presidenta informa que dentro das demandas realizadas polo consello parroquial, presentadas no rexistro xeral o 23.03.2016 co núm. 2016-E-RC-3871 que eran:

- **Paneis informativos metálicos** a colocar en:
Na subida do colexió de Quintela, onde está o antigo de madeira
No cruce do camiño de San Mamede co Muiño do Porto.
Na ponte de Quintela a altura dos contenedores.
No camiño dos Frades co camiño Costeira
No camiño Antiga Vía do Tren co camiño Ponteareas.
Á altura da Carnicería Barciela.
Na saída do paso peonil subterráneo do Cemiterio (bar Villaverde)
Pasando "o Furanco de Fermín" hai un antigo de madeira.
- **Colocación de lombos para obrigar a reducir a velocidade de vehículos**
No camiño da Antiga Vía do Tren desde o Bar Villaverde ata a ponte do ferrocarril.
- **Espellos de cruce para facilitar as incorporacións**





CONCELLO DE REDONDELA

Na fonte do Verdeal

Na rúa Muiño do Porto (cruce da casa co difunto de D. Eduardo Lago)

- **Rectificación de marquesinas:**

Debido as altas velocidades que circulan os vehículos no caril de decelaración mais a proximidade da marquesina o vial de circulación, sita entre Agrocar e o Tanatorio, as persoas que a utilizan sintense inseguros e cunha sensación dun perigo constante.

Recolocar a marquesina sita na curva da Estrada Vella na N-550.

- **Realización de cunetas**

Realizar as cunetas entre a de Paco "revelis" e a parroquia de Saxamonde dirección Albarroz

- **Realización da fonte no pilón do Muiño do Porto.**

- **Adecentar "o pilón da Marela"**

- **Realización dun muro de mampostería a altura do nº 65 do camiño de San Mamede por debaixo do Colexio de Quintela e canalizar a auga do Colexio.**

- **Adecentar os camiños:**

O Cupiño

Magariños

Verdeal

Camiño das Fontes

Camiño de Frian

- **Colocación dun stop**

Na saída do camiño do Verdeal e estrada vella N-550

a correspondente aos **paneis informativos** ten un custe aproximado de 1.452 €, que serán colocados nos vindeiros días nos lugares solicitados e que o subministrador porase en contacto co representante da asociación de veciños para a localización daqueles lugares que descoñeza.

En canto á segunda petición á da **colocación de lombos para obrigar a reducir a velocidad de vehículos** no camiño da Antiga Vía do Tren desde o Bar Villaverde ata a ponte do ferrocarril, a presidenta indica que o aparellador municipal está a calcular se son precisos dous ou tres lombos.

En canto á **colocación do espello** na rúa Muiño do Porto indica que xa está colocado.





CONCELLO DE REDONDELA

O Sr. Quiñones di que o espello que se pediu para a Fonte do Verdeal non fai falla.

A presidenta contesta que dá por realizada esta petición e que en canto á demanda de rectificación de marquesiñas, a presidenta indica que tanto a marquesiña que está entre Agrocar e o tanatorio como a da curva da estrada vella N-550, que está á dereita, na curva morta, non hai onde ubicalas, xa que áinda que se queiran cambiar para o outro lado da estrada, non caben físicamente.

O Sr. Reguera Ocampo súxire que, para a que está preto do Tanatorio, habería que pedir autorización a Fomento para a colocación dun lombo antes de chegar a marquesiña porque considera que é perigosísimo, xa que por alí os coches pasan a moita velocidade.

O Sr. Glez. Campo indica que estas non se poden mover tan facilmente xa que as paradas están asignadas.

A Sra. Mosquera Alonso pide que se cambie a marquesiña

A presidente pregúntalle para ónde.

O Sr. Reguera Ocampo considera que a marquesiña da Vía Vella podería cambiarse se non ten utilidade

A presidenta contesta que si, que esa marquesiña ten utilidade, que recolle aos rapaces/zas que van ao instituto, que en todo caso haberá que ver o percorrido do autobús e o número de alumnos que o utilizan.

A Sra. Fabre Fervenza di que podería cambiarse para preto do Brasil 2.

O Sr. Reguera Ocampo comenta que o problema é que a ubicación da marquesiña é perigosa e que ademais non se pode cambiar así porque si.

O Sr. Glez. Campo pregunta se se podería pór na parte de arriba, diante do Tanatorio.

A presidenta contesta que o traslado desta marquesiña ten difícil solución xa que non hai sitio onde póna.

O Sr. Reguera Ocampo considera que a non ser posible o traslado da marquesiña a colocación dun lombo minimizaría a perigosidade nesa zona.

A presidenta pregunta aos membros do consello parroquial se entón se solicita a autorización a Fomento para a colocación do lombo.





CONCELLO DE REDONDELA

Sometida a votación a proposta de colocación do lombo na EN-550 antes da marquesiña que está preto do Tanatorio, os membros do consello parroquial acordan por unanimidade aprobala.

A presidenta informa que a demanda de realización de cunetas entre a de Paco "revelís" e a parroquia de Saxamonde dirección Albarroz, xa están feitas.

A Sra. Fabre Fervenza propón facer cunetas e recoller augas no camiño dos Frades.

A presidenta dille que hai que decidir que cunetas se fan, se van desde o Brasil 2 ata o cruce de Lemos.

O Sr. Reguera Ocampo considera que o mellor é solicitalo á Xunta de Galicia xa que é parte do camiño Portugués do camiño de Santiago.

O Sr. Quiñones mostra a súa conformidade co Sr. Reguera Ocampo.

A presidenta contesta que non cre que a Xunta de Galicia o faga, xa que é un camiño municipal e así mesmo indica que coa colocación dos paneis, os lombos e a realización de cunetas xa se gasta o presuposto correspondente aos participativos do ano 2016.

Tamén comenta que recibiu outra demanda da asociación de veciños, que non estaba entre as solicitadas, a realización do pilón na Opel, informa a este respecto que haberá que estudar esta petición, xa que alí non hai praticamente nada e ademais está cheo de maleza. En canto ao adecentamento do pilón da Marela informa que é unha poza de terra, que tería que realizarse de novo, que ademais a auga é dos regadores e que habería que pedirlles autorización a estes. Considera que o consello debe decidir se quere arranxalo ou non.

A Sra. Fabre Fervenza decántase pola realización das cunetas no camiño dos Frades.

A presidenta pregunta qué quere o consello, incluir nos orzamentos participativos a realización das cunetas ou a dos lavadoiros.

O Sr. Glez. Campos sinala que había unhas subvencións da Deputación para arranxar patrimonio deste tipo: lavadoiros, palcos, limpeza de cruceiros.... e pregunta á presidenta se o concello solicitou algunha destas subvencións.

A presidenta contéstalle que si, que o concello solicita todas, que se pediu unha para un lavadoiro preto de Soutoxuste, que non sabe se era á Deputación pero que está aprobada.





CONCELLO DE REDONDELA

O Sr. Glez. Campos dille que el viu unha para arranxar asfalto na Alameda.

A presidenta contéstalle que o que se vai facer é botar xabre na Alameda.

O consello parroquial en votación ordinaria e por unanimidade acorda a realización das cunetas do camiño dos Frades.

A presidenta á vista do anterior comunica que coas demandas dos paneis informativos, as colocacións dos lombos e coa realización das cunetas no camiño dos Frades, xa se gastarían os participativos do ano 2016, que haberá que estudar o das demandas dos pilóns e a do muro de mampostería no camiño de San Mamede.

3.- Rogos e preguntas.-

O Sr. Quiñones pregunta polo saneamento da fonte da Faxina

A presidenta contéstalle que non ten auga, que xa o viu o concelleiro de Medio Ambiente Miguel Ballesteros.

O Sr. Glez. Campos di que tamén se aprobara a petición de cambiar o tellado do colexió de Quintela, que noutros colexiós xa se fixo e que neste que se realizou unha petición, non se conseguiu nada.

A presidenta contesta que haberá que preguntarlle á que era concelleira de ensino M^a Teresa París e pregunta se o tellado contén amianto.

A Sra. Mosquera Alonso contéstalle que si, que é de amianto, aínda que non hai perigo se non se manipula.

A presidenta comenta que a causa pola que se arranxan os tellados noutros colexiós é ao mellor porque chove neles.

O Sr. Glez. Campo di que parece que os que máis protestan son os que non reciben nada.

A presidenta contéstalle que cre que a ANPA non fixo ningunha petición naqueles colexiós que se están a arranxar pero que a razón é porque o tellado está deteriorado.

O Sr. Glez. Campo manifesta que eiquí hai unha demanda e quere que se lle pregunte á concelleira de ensino se hai algunha contestación ao respecto.

O Sr. Reguera Ocampo pregunta sobre o camiño do Carballal, comenta que non ten ben a traída de augas e que xa se propuxo cambiar a súa dirección.





CONCELLO DE REDONDELA

A presidenta contéstalle que non daba tempo, que xa estaba o proxecto aprobado.

O Sr. Reguera Ocampo di que é unha mala previsión, xa que despois da petición transcorre un tempo antes da realización do asfaltado.

A presidenta responde que se arranxará se rompe. Considera que non é mala xestión, que haberá que avisar e cambiar a tubería pola cuneta.

O Sr. Reguera Ocampo indica que quedará un camiño novo con dous baches enormes.

O Sr. Casas Montero di que cando teñan os medios se meterá, que son 300 m e que se houbera feito de avisar uns meses antes, pero que non houbo tempo material para facelo.

O Sr. Glez. Campos contesta que iso xa se falara, pero que como era particular (comunidade de augas) non se poido meter .

O Sr. Casas Montero di que non deu tempo, que habería que telo previsto, que xa se falara con Cándido para que se avisase cunha antelación de 2 ou 3 meses e cun mes non se pode facer a obra. Que quizais se faga para o ano abrindo pola beirarrúa 30 ou 40 cm para meter a mangueira.

O Sr. Reguera Ocampo pide que se fagan as xestións oportunas desde o concello para que se limpen as propiedades que están lindando coa explanada do colexió, xa que hai unhas acacias de gran tamaño e no colexió estudan 120 rapaces. Considera que habería que pedir aos propietarios que vaian limpando porque senón cando chegue o vran vai ser terrible. Tamén propón mercar ou expropiar esas parcelas, xa que todos os días á explanada do colexió entran 3 autobuses e este espazo resulta pequeno. Ao anterior engádese que ademáis moitos pais que acompañan aos seus fillos entran cos seus coches no recinto escolar e temos un problema.

O Sr. Frabre Fervenza indica que se a pista estivera aberta habería un circuito para a circulación dos autobuses.

O Sr. Reguera Ocampo cre que habería que ver como son as fincas e controlar se os propietarios están dispostos a vender.

A presidenta e o Sr. Quiñones coinciden en aclarar que con eso non se soluciona o problema.

A Sra. Fabre Fervenza di que prefire abrir a pista.





CONCELLO DE REDONDELA

O Sr. Reguera Ocampo contéstalle que son propostas que hai que poñelas en marcha áinda que non se solucionen agora.

A presidenta indica que esto pasa tamén noutros colexios que se xuntan os autobuses cos vehículos dos pais e nais.

O Sr. Reguera Ocampo aclara que eiquí ten solución.

O Sra. Leirós Barreiro, di que son importantes as dúas cousas pero que considera que primeiro é a manobra do autobús.

O Sr. Quiñones di que o problema foi facer o colexio sen ter solucionado o dos camiños.

O Sr. Reguera Ocampo cre que se debe mirar o das árbores, que hai que velo, que a lei non permite ter as árbores así.


A Sra. Fabre Fervenza comenta que está peor o da parte de arriba do colexio.

O Sr. Glez. Campos pregunta se na limpeza do colexio vai incluída a limpeza de malezas, podas.....

A presidenta contéstalle que non, que só entra o xardín, que cre que no vindeiro contrato de limpeza entrará algo así. Tamén comenta que se solicitou unha marquesiña na rotonda onde está o depósito de auga, que xa mandou a solicitude de autorización á Deputación e que cando obteña a autorización se colocará.

E non habendo máis asuntos que tratar, pola Presidencia levantouse a sesión, sendo as vinte e unha horas e dez minutos da data fixada no encabezamento, en proba de todo o que se extende a presente ACTA, da que, como secretaria do Consello, DOU FE.

Dilixencia: Esténdese para facer constar que a presente acta aprobouse na xuntanza do consello parroquial de Quintela do día 31 de xaneiro de 2017 coa corrección realizada polo Sr. Reguera Ocampo.





CONCELLO DE REDONDELA

Ref.: MJBB/mdp

O Consello Parroquial de Quintela, na súa xuntanza ordinaria celebrada o 31.01.2017 acordou, entre outros, o seguinte asunto:

1.- Aprobación, se procede, da acta anterior.

A presidenta dá conta da acta da xuntanza ordinaria deste consello parroquial do 19 de outubro de 2016

O Sr. Reguera Ocampo comenta que no punto 3 de dita acta, no parágrafo 10 cando pregunta sobre o camiño do Carballal non se refería á recollida de augas senón á traída de augas, polo que pide a súa corrección.

Por unanimidade dos asistentes, apróbase dita acta coa corrección realizada polo Sr. Reguera Ocampo e así onde di "O Sr. Reguera Ocampo pregunta sobre o camiño do Carballal, comenta que non ten ben a recollida de augas, que xa se propuxo cambiar a dirección da auga.." debe dicir "*O Sr. Reguera Ocampo pregunta sobre o camiño do Carballal, comenta que non ten ben a traída de augas e que xa se propuxo cambiar a súa dirección*"

Redondela, 6 de febreiro de 2016

A secretaría do consello

Manuela Docampo Pintos